



Analisis Bibliometrik Tesis dan Disertasi Tentang Ulama Hadith Dalam Kajian Pascasiswazah Di Malaysia

[A Bibliometric Analysis of Theses and Dissertations About Hadith Scholars in Postgraduate Studies in Malaysia]

Khairulnazrin Nasir^{1*}, Rahim Kamarul Zaman², & Ikmal Adnan³

¹ Department of Usuluddin, Faculty of Contemporary Islamic Studies, Sultan Ismail Petra Internasional Islamic College, 15730, Malaysia, khairulnazrin19@gmail.com, Phone Number. 013 324 2865

² Department of Usuluddin, Faculty of Contemporary Islamic Studies, Sultan Ismail Petra Internasional Islamic College, 15730, Malaysia, abdulrahimkz51@gmail.com, Phone Number. 011 2601 7148

³ Department of al-Quran and Hadith, Faculty of Contemporary Islamic Studies, Sultan Ismail Petra Internasional Islamic College, 15730, Malaysia. ikmaladnan87@gmail.com. Phone Number. 016 921 2240

* Corresponding Author: Khairulnazrin Nasir, Department of Usuluddin, Faculty of Contemporary Islamic Studies, Sultan Ismail Petra Internasional Islamic College, 15730, Malaysia, khairulnazrin19@gmail.com, Phone Number. 013 324 2865 ORCID iD. <https://orcid.org/0000-0002-9073-9284>

Keywords:

Bibliometrics; scholar; hadith; postgraduate, university.

ABSTRACT

Hadith knowledge goes through a process of development from the time of Prophet Muhammad SAW until now. Despite the speed, many scientific figures occupy various positions in hadith science, whether as narrators of hadith (ruwāt), critics of hadith (nuqqād), compilers of hadith works (muṣannif), and so on. Their biographies, services and contributions are recorded in detail in various works throughout the ages, including in studies at the Institute of Higher Education in Malaysia. Thus, this article aims to identify theses and dissertations produced related to hadith scholars by postgraduate candidates in the field of hadith based on bibliometric analysis. This study applies a qualitative research approach with the theme of literature review. The data is collected from document sources such as theses, dissertations and scientific articles, particularly from the Malaysian Theses Online (MyTO) website. The results of the analysis show that from 1974 until now, the total number of theses and dissertations on hadith scholars produced amounted to 38 studies. There are 10 studies at the doctoral level while the rest, 28 studies at the master's level. In conclusion, the study of the prominence of hadith scholars needs to be intensified as a sign of appreciation for their contribution to the field of hadith.

Kata Kunci:

Bibliometrik; ulama; hadith; pascasiswazah, universiti.

ABSTRAK

Ilmu hadith melalui proses perkembangan sejak zaman Nabi Muhammad SAW sehingga kini. Di sebalik kepesatan itu, terdapat ramai tokoh-tokoh ilmuwan yang menduduki pelbagai posisi dalam ilmu hadith, sama ada sebagai perawi hadith (ruwāt), pengkritik hadith (nuqqād), penyusun karya hadith (muṣannif), dan sebagainya. Biografi, jasa dan sumbangan mereka direkodkan secara terperinci dalam pelbagai jenis karya sepanjang zaman,



Published biannually by:
**HADITH AND AQIDAH RESEARCH INSTITUTE (INHAD),
Selangor International Islamic University College (KUIS)**

Email: jurnalhadis@kuis.edu.my
Web: www.jurnal.kuis.edu.my/hadis/
Bandar Seri Putra, 43600, Bangi, Selangor (Darul Ehsan) Malaysia.
Tel: 03-8911 7000 Ext: 6129/6130, Fax: 03-8926 6279

Vol. 13, No. 26 (December 2023)

termasuk dalam kajian di Institut Pengajian Tinggi di Malaysia. Justeru, artikel ini bertujuan untuk mengenal pasti tesis dan disertasi yang dihasilkan berkaitan tokoh ulama hadith oleh para calon pascasiswazah dalam bidang hadith berdasarkan analisis bibliometrik. Kajian ini mengaplikasikan pendekatan kajian secara kualitatif bertemakan kajian kepustakaan. Data-data dikumpulkan daripada sumber dokumen seperti tesis, disertasi dan artikel ilmiah, khususnya daripada laman sesawang *Malaysian Theses Online* (MyTO). Hasil analisis menunjukkan bahawa sejak tahun 1974 sehingga kini, keseluruhan tesis dan disertasi tentang tokoh ulama hadith yang dihasilkan berjumlah 38 buah kajian. Terdapat 10 buah kajian di peringkat ijazah kedoktoran sementara selebihnya, 28 buah kajian di peringkat sarjana. Kesimpulannya, kajian tentang ketokohan ulama hadis perlu dipergiatkan sebagai suatu tanda apresiasi terhadap sumbangan mereka kepada bidang hadith.

Received: November 31, 2022

Accepted: March 30, 2023

Online Published: December 31, 2023

1. Pendahuluan

Ilmu hadith melalui proses perkembangan sejak zaman Rasulullah SAW sehingga kini. Hadith yang disampaikan oleh Rasulullah SAW dihafal, direkodkan dan disusun oleh para sahabat, tabiin dan para ulama hadith terkemudian. Sejarah pertumbuhan dan perkembangan hadith dari semasa ke semasa bersifat tidak statik dan mengalami pasang surut. Demikian bergantung kepada tahap kajian dan penulisan ulama hadith dan penerimaan umat Islam pada sesuatu zaman. Ilmu hadith akan mendapat nafas baru sekiranya pembaharuan dilakukan dalam kerangka paradigma dan kajian hadith yang komprehensif, kontekstual dan bersesuaian mengikut peredaran masa (Siregar, 2020; Abbas, 2019; Darmalaksana, 2018).

Kemuncak perkembangan ilmu hadith terjadi pada kurun ketiga dan disempurnakan pada kurun ke empat Hijrah. Hal ini dapat ditinjau dari dua faktor; faktor dalaman dan faktor luaran. Faktor dalaman tertumpu kepada penglibatan sejumlah besar perawi, pengumpul dan penulis kitab-kitab induk hadith dan *'ulum al-hadith* yang memacu kepada penyebaran hadith (Zaenuri & Munawaroh, 2021; Bistara, 2020; Maulana, 2016). Dalam kajian Bistara, R. (2020) dan Hading, H. (2016), kedua-duanya merumuskan bahawa perkembangan hadith pada era ini juga berhubung dengan faktor luaran dari aspek politik, sosial dan kebudayaan yang mendukung aktiviti pengumpulan dan penulisan hadith.

Dari awal perkembangan ilmu hadith, telah muncul ramai tokoh yang telah mencurahkan sumbangan yang besar terhadap ilmu hadith dari pelbagai jurusan. Bermula dari tradisi penyampaian secara lisan, sehingga berkembang dalam bentuk penulisan, kini ilmu hadith disampaikan berasaskan digital (Maulana, 2016). Antara kajian-kajian lepas tentang sumbangan ulama tokoh bidang hadith, sama ada diklasifikasikan berdasarkan aliran mazhab seperti kajian Soroni, M. K. (2018), karakter seperti kajian Khairulnazrin Nasir, et. al. (2019) dalam tulisannya tentang sumbangan ulama hadith daripada golongan kelainan upaya (OKU), lokasi seperti kajian Iderus, (2016) dan Wahid, (2006), atau kajian terhadap tokoh-tokoh tertentu seperti kajian Hasibuan (2020), Anggoro (2019), Farhah Zaidar, et. al. (2017) dan sebagainya. Rumusan hasil kajian-kajian tersebut mendapati bahawa sumbangan mereka tertumpu pada lima aspek utama; periwayatan hadith (perawi), penulisan kitab hadith (*muasannif*), penilaian perawi hadith (*al-jarh wa al-ta'dil*), kefahaman hadith (*fiqh al-hadith*), dan penilaian status hadith (*naqd al-hadith*).

Biografi, jasa dan sumbangan mereka direkodkan secara terperinci dalam pelbagai jenis karya sepanjang zaman, termasuk dalam kajian di Institut Pengajian Tinggi di Malaysia. Para pelajar pascasiswazah turut membahaskan tentang kedudukan dan sumbangan tokoh dalam ilmu hadith (Darmalaksana, 2020). Persoalannya siapakah tokoh-tokoh yang pernah dibincangkan dalam tesis dan disertasi di IPT-IPT negara ini? Justeru, penyelidikan ini bertujuan untuk mengenal pasti tesis dan disertasi yang dihasilkan berkaitan tokoh ulama hadith oleh para calon pascasiswazah dalam bidang hadith berdasarkan analisis bibliometrik.

2. Metodologi Kajian

Kajian ini mengaplikasikan pendekatan kajian secara kualitatif bertemakan kajian kepustakaan. Data-data dikumpulkan daripada sumber dokumen seperti tesis, disertasi dan artikel ilmiah. Skop carian maklumat tentang tesis dan disertasi hanya tertumpu pada laman sesawang *Malaysian Theses Online (MyTO)* sahaja. Proses carian adalah berdasarkan kata-kata kunci utama seperti "sumbangan," "tokoh," "ulama," "hadis" dan sebagainya. Data-data dianalisis secara deskriptif berasaskan pendekatan analisis bibliometrik. Tesis dan disertasi dianalisis berdasarkan tahun penghasilan, nama-nama tokoh, peringkat kajian (sarjana/ tesis kedoktoran), nama universiti, metodologi kajian dan bahasa penulisan. Pada bahagian perbincangan, penyelidikan ini menjelaskan secara ringkas latar belakang setiap tokoh dan ulama hadith yang dipilih sebagai bahan kajian berserta sumbangannya.

3. Dapatan Kajian

Sistem pengajian universiti di peringkat ijazah tinggi atau pascasiswazah menuntut seseorang pelajar menghasilkan kajian dalam bidang yang diceburi. Penghasilan tesis dan disertasi dalam bidang ilmu hadith telah bermula sejak tahun 1970-an. Dalam konteks kajian tokoh ulama hadith, hasil analisis menunjukkan bahawa sejak tahun 1974 sehingga tahun 2021, keseluruhan tesis dan disertasi tentang tokoh ulama hadith yang dihasilkan berjumlah 38 buah kajian. Informasi ringkas tentang kajian-kajian tersebut ditunjukkan dalam Jadual 1 di bawah:

Jadual 1: Senarai Kajian Tokoh Ulama Hadith



No.	Tahun	Nama	Tajuk	Peringkat	Universiti	Metode	Bahasa
1	1974	Engku Ibrahim	Penelitian Terhadap Kontribusi Imam Al-Bukhari CRD Dalam Bidang Hadith Dengan Memusatkan Perhatian Kepada Kitab Al-Jami' Al-Sahih	MA	UM	Kualitati	BM
2	1981	Jawiah Dakir	Al-Imam Ahmad bin Hanbal dan sumbangannya dibidang hadith dengan menumpukan kajian terhadap musnadnya	MA	UKM	Kualitatif	BM
3	1988	Abdul Hayei Abdul Sukor.	Sumbangan Shah Waliyullah al-Dihlawi kepada ilmu hadith dan penganutnya di Kelantan. Disertasi sarjana, UM.	MA	UM	Kualitatif	BM
4	1990	Murina Mustafa	Satu kajian mengenai riwayat hidup Abu Ayyub al-Ansari: tumpuan utama kepada hadith-hadith riwayatnya di dalam Sunan Sittah dan Muwatta' Imam Malik.	MA	UM	Kualitatif	BM
5	1990	Habibah Abdul Rahman.	Riwayat hidup Zayd ibn Thabit al-Ansari: satu kajian mengenai hadith-hadith riwayatnya di dalam sunan Sittah dan Muwatta' Imam Malik.	MA	UM	Kualitatif	BM
6	1990	Nor Asiah Mohammed	Hafsah bint Umar al-Khattab: satu kajian mengenai hadith-hadith riwayatnya di dalam Sunan Sittah dan Muwatta' Imam Malik	MA	UM	Kualitatif	BM
7	1996	Kishki 'Atiyyah	Marwiyat al-imam al-Layth bin Sa'd fi al-kutub al-sittah wa-musnad al-Imam Ahmad bin Hanbal wa-masnaf 'Abd al-Razzaq wa-ibn Abi Syaibah	MA	UNISZA	Kualitatif	BA
8	1996	Ishak Hj. Suliaman.	Ibn Hajar Al'Asqalani dan sumbangannya kepada hadith: tumpuan terhadap kitabnya Bulugh Al-Maram.	MA	UM	Kualitatif	BM
9	2002	Ismael Hussein.	Al-Ghazzali's usage of weak hadith in his writings, with special references to his attempt to revive Islamic sciences.	PhD	UIA	Kualitatif	BI
1	2004	Mohd Muhiden Abd Rahman	Syeikh Nuruddin Al-Raniri dan Sumbangannya Kepada Pengajian Al-Hadith: Kajian Terhadap Kitab Al-Fawa'id Al-Bahiyyah fi Al-Ahadith Al-Nabawiyyah.	PhD	UM	Kualitatif	BM



Published biannually by:
HADITH AND AQIDAH RESEARCH INSTITUTE (INHAD),
Selangor International Islamic University College (KUIS)
 Email: jurnalhadis@kuis.edu.my
 Web: www.journal.kuis.edu.my/hadis/
 Bandar Seri Putra, 43600, Bangi, Selangor (Darul Ehsan) Malaysia.
 Tel: 03-8911 7000 Ext: 6129/6130, Fax: 03-8926 6279
Vol. 13, No. 26 (December 2023)

1	2004	Che Hasmawati Che Awang	Ustaz Mustafa 'Abdul Rahman: Sejarah Hidup Dan Sumbangannya Dalam Ilmu Hadith di Malaysia.	MA	UM	Kualitatif	BM
1	2004	Muhamad Hapizi Sulaiman.	Metodologi Dr. Yusuf al- Qaradawi dalam menganalisa hadith sebagai sumber hukum syarak.	MA	UKM	Kualitatif	BM
1	2005	Nik Yusri Musa	Sumbangan A. Hassan Bandung kepada pengajian hadith : tumpuan kajian kepada hadith- hadith hukum.	PhD	UM	Kualitatif	BM
1	2005	Azwira Abdul Aziz.	Al-Albani dan metodologi pemahaman hadith hukum : kajian khusus pada kitab silsilah al-ahadith as-sahihah wa shai' min fiqhiha w a fawai'diha.	PhD	UKM	Kualitatif	BM
1	2008	Muhammad Amin Islam.	Manhaj al-Imām Abū Ḥanīfah fī Tawḥīq al-Ḥadīth: Dirāsah Muqāranah ma' manhaj Ahl al- Ḥadith.	MA	UIA	Kualitatif	BA
1	2008	Mohd Khafidz Soroni.	Syeikh 'Abd al-Fattah Abu Ghuddah: riwayat hidup dan sumbangannya di dalam pengajian Hadith.	PhD	UM	Kualitatif	BM
1	2009	Sulidar	Ketokohan T.M.Hasbi Ash- Shiddieqy Dan Sumbangan Pemikirannya Dalam Pengajian Hadith Riwayah Dan Dirayah Di Indonesia.	PhD	UM	Kualitatif	BM
1	2009	Ardiansyah	Perspektif Imam Al-Shatibi Terhadap Konsep Sunnah-Bid'ah: Analisis Terhadap Kitab Al'Ptisam dan Al-Muwafaqat.	PhD	UM	Kualitatif	BM
1	2010	Jefri Halimi Kariim.	Al-Albani dan pandangan beliau terhadap kehujahan qawl al- sahabi.	MA	UKM	Kualitatif	BM
2	2010	Elit Ave Hidayatullah	Sumbangan Abdul Ra'uf Al- Singkili dalam bidang hadith: analisis teks pilihan al-mawó'ú al- badó'ah.	MA	UM	Kualitatif	BM
2	2010	Roshimah Shamsudin.	Muhammad Nasir Al-Din Al- Albani dan Metodologi Penentuan Hadith Daif: Satu Kanan Silsilah Al-Ahadith Al-Da 'Ifah Wa. Al-Mawdu'ah.	PhD	USM	Kualitatif	BM



2	2011	Al-Husban, Abd 'Allah Muhammad Ahmad	Marwiyat al-Imam Muhammad al-Baqir fi kutub al-sunnah wa-al-Shi'ah : dirasah muqaranah	PhD	UKM	Kualitatif	BA
2	2011	Muhammad Iqlim Ashraf.	'Ali al-Tahanawi wa juhudihi fi al-tarabat bayna al-hadith wa al-tasawwuf khilal kitabuhu "Haqa'iq al-tariqah min al-sunnah al-aniqah.	MA	UM	Kualitatif	BA
2	2011	Husna, Jannatul.	Shaykh Yasin al-Fadani (m.1990) dan sumbangannya dalam pengajian Hadith.	MA	UM	Kualitatif	BM
2	2012	Mohamad Mukhlis	Metodologi 'Abd Al-Fattah Abu Ghuddah dalam mentahkik kitab Qawa'id fi' 'Ulum al-Hadith.	MA	UKM	Kualitatif	BM
2	2012	Mohammed Bazri Che Harun.	Hadith-hadith dalam karya Syeikh 'Abd. al-Qadir al-Mandili : takhrij dan analisis.)	MA	UM	Kualitatif	BM
2	2013	Maafi Husin Ali Amran.	Metodologi Shaykh Muhammad Mar'i al-Amin al-Antaki dalam mentafsirkan ayat al-qur'an dan hadith dalam kitab limadha akhtartu madhhab al-Shi'ah.	MA	UKM	Kualitatif	BM
2	2014	Abdul Haris.	Sumbangan Syeikh Ali Hasan Ahmad Al-Dariy dalam pengajian Hadith.	MA	UM	Kualitatif	BM
2	2014	Ahmad Fadly Rahman Akbar.	Sumbangan Daniel Djuned (1954-2010) dalam pengajaran dan pemikiran Hadith.	MA	UM	Kualitatif	BM
3	2016	Nur Afifi Bin Alit.	'Amru Ibn al-'As wa marwiyatuh fi al-kutub al-tis'ah jam'an wa dirasat. UKM, Disertasi Sarjana (BA)	MA	UKM	Kualitatif	BA
3	2017	Sulayman Hasan	Marwiyāt Al-Aimmah Al-Sittah ‘An Ba’ḍihim Fī Al-Kutub Al-Sittah: Jam’an Wa Dirāsatan.	MA	UNISZA	Kualitatif	BA
3	2017	Yanah, Nur.	Pemikiran Irshad Manji dalam bukunya Allah, liberty and love: Kajian kritik dan analisis berdasarkan al-Qur'an dan Hadith.	MA	UM	Kualitatif	BM
3	2018	Ahmad Khur Rashid Sadiqi.	Al-Imām Razīn bin Mu’āwiyah al-‘Abdarī wa Ziyādātuh fī kitābih “Tajrīd al-Ṣiḥah wa al-Sunan” ‘an al-Kutub al-Sittah. Jam’an wa	MA	UIA	Kualitatif	BA

Dirāsah.

2018	Muhammad Hosain.	Riwayat and dirayah in hadith studies: Muhammad Amim al-Ihsan's methodology in Fiqh al-Sunan wa al-Athar as a case study.	MA	UM	Kualitatif	BI
2018	Muhammad Firdaus Zabri,	Aplikasi manhaj Deobandy oleh Muhammad Asri bin Yusoff dalam pengajaran Hadith.	MA	UM	Kualitatif	BM
2019	Husayn Ali Abd Allah	Al-Qurrā' al-Muḥaddithūn min Bidāyat al-Ṭabaqah al-Ūlā ilā al-Ṭabaqah al-Khāmisah mina al-Qurūn al-Thalāthah al-Mufaḍḍalah wa Darajātihim ind Ahl al-Ḥadīth.	MA	UNISZA	Kualitatif	BA
2019	Siti Maimunah.	Albani's methodology on the Admissibility of khabar ahad in 'aqidah : an analytical study.	PhD	UIA	Kualitatif	BI
2019	Nurul Farhana, Yusuf	Fiqh hadith dalam koleksi hadis-hadis hukum oleh Hasbi Ash-Shiddieqy: Kajian terhadap topik-topik terpilih	MA	UM	Kualitatif	BM

Sumber: Data Penyelidikan

Daripada 38 buah kajian tentang tokoh ulama hadith tersebut, majoritinya merupakan kajian di peringkat sarjana, iaitu 28 buah (73.7 %) kajian. Sementara itu, hanya 10 buah (26.3 %) kajian dihasilkan bagi memenuhi keperluan pengajian di peringkat ijazah kedoktoran. Butirannya ditunjukkan dalam Jadual 2 di bawah:

Jadual 2: Statistik Kajian Tokoh Ulama Hadith Berdasarkan Tahap Pengajian

Kajian	Disertasi sarjana	Tesis ijazah Kedoktoran	Jumlah
Bilangan	28	10	38
Peratusan	73.7 %	26.3 %	100 %

Sumber: Data Penyelidikan

Sekiranya ditinjau dari aspek tahun penghasilan kajian, didapati bidang kajian tentang tokoh ulama hadis tidak mengalami peningkatan yang ketara. Selain itu, topik ini kurang menjadi pilihan para pelajar pascasiswazah berbanding kajian bertemakan hadith tematik dan *'ulum al-badith*. Butiran tentang kuantiti tesis dan disertasi tentang tokoh ulama hadith dicatatkan secara terperinci dalam Jadual 3 di bawah:


Jadual 3 : Taburan Bilangan Kajian Hadith Mengikut Tahun

Tahun	<1990	1990-1994	1995-1999	2000-2004	2005-2009	2010-2014	2015-2019	2020-2022
Disertasi	3	3	2	2	1	9	8	-
Tesis	-	-	-	2	5	2	1	-
Jumlah	3	3	2	4	6	11	9	-
Jumlah	38							

Sumber : Data Penyelidikan

Rajah 1 di bawah menunjukkan statistik tahap penghasilan tesis dan disertasi tentang kajian tokoh ulama hadith sejak pra tahun 1990-an sehingga tahun 2022. Berdasarkan carian dalam laman sesawang MyTO, kajian ini tidak mendapati sebarang tajuk yang direkodkan bagi dua tahun terakhir, iaitu tahun 2021 dan 2022.


Rajah 1: Penghasilan Kajian Hasid Mengikut Tahun



Sumber: Data penyelidikan

Berdasarkan analisis bibliometrik terhadap institusi yang menghasilkan tesis dan disertasi, dapatan menunjukkan Universiti Malaya menduduki tempat pertama dengan menghasilkan 22 buah kajian. Jumlah berkenaan diikuti oleh universiti-universiti lain seperti Universiti Kebangsaan Malaysia (UKM), Universiti Islam Antarabangsa (UIA), Universiti Sultan Zainal Abidin (UNISZA) dan Universiti Sains Malaysia (USM). Perinciannya dipaparkan dalam Rajah 2 seperti berikut:


Rajah 2: Statistik Kajian Hadith Mengikut IPT



Sumber: Data Penyelidikan

Penyelidikan ini turut mendapati bahawa keseluruhan 38 buah tesis dan disertasi dihasilkan berasaskan pendekatan kajian kualitatif. Data-data diperoleh melalui kajian kepustakaan dan sebahagiannya mengaplikasikan kaedah temu bual. Penelitian dari aspek bahasa yang digunakan dalam penulisan kajian, catatan tertinggi iaitu 27 buah (71 %) kajian adalah ditulis dalam Bahasa Melayu, diikuti dalam Bahasa Arab, iaitu lapan buah (21 %), sementara hanya tiga buah (8 %) ditulis dalam Bahasa Inggeris. Komposisinya ditunjukkan dalam Rajah 3 di bawah:

Rajah 3 : Kategori Kajian Hadith Mengikut Jenis Bahasa



Sumber: Data penyelidikan

Penyelidikan ini berusaha untuk mendapatkan semaksimum mungkin tesis dan disertasi tentang tokoh ulama hadith. Analisis bibliometrik terhadap hasil-hasil kajian berkenaan limitasinya hanyalah berdasarkan data-data yang diperoleh sehingga kajian ini dijalankan berdasarkan skopnya. Justeru, para penyelidik tidak menolak kemungkinan wujudnya tesis dan disertasi tentang tokoh ilmuwan hadis yang tercicir dan tidak dianalisis dalam penyelidikan ini.

4. Perbincangan

Ilmu hadith dikembangkan oleh tokoh-tokoh ulama terdahulu daripada kalangan para sahabat, tabiin, perawi dan ulama-ulama terkemudian. Memandangkan nilai, jasa dan sumbangan mereka, maka para pengkaji dan pelajar sarjana dan ijazah kedoktoran membahaskan tentang kajian tokoh; sama ada ulama silam dan ulama mutakhir atau kontemporari. Sejak tahun 1974, sejumlah 38 buah kajian telah dihasilkan berkenaan tokoh dalam ilmu hadith. Perbincangan dilanjutkan dengan menjelaskan 15 orang tokoh ulama secara ringkas dan latar belakang kajian berkenaan.

1) Abū Ayyūb al-Anṣārī RA (m.52 H)

Nama sebenar Abū Ayyūb al-Anṣārī RA ialah Khālid bin Zayd al-Khazrajī (al-Dhahabī, 2006). Beliau termasuk dalam kalangan sahabat al-Ansar yang paling awal memeluk Islam dan menyertai sisi-siri peperangan bersama Rasulullah SAW. Abū Ayyūb menyertai peperangan bersama Yazīd bin Mu'āwiyah menentang Rom dan gugur syahid serta dikebumikan di Kota Istanbul (Ibn al-Athīr, 1994). Ketokohan Abū Ayyūb al-Anṣārī RA dan sumbangannya dalam periwayatan hadith dibahaskan oleh Murina Mustafa (1990) dalam disertasi sarjana di Universiti Malaya yang bertajuk "Satu kajian mengenai riwayat hidup Abu Ayyub al-Ansari: tumpuan utama kepada hadith-hadith riwayatnya di dalam Sunan Sittah dan Muwatta' Imam Malik."

2) Hafṣah binti 'Umar bin al-Khaṭṭāb (m.41 H)

Beliau ialah salah seorang isteri Rasulullah SAW. Baginda SAW mengahwininya pada tahun kedua atau ketiga Hijrah. Hafṣah RA termasuk dalam kalangan usteri Rasulullah SAW yang aktif meriwayatkan hadith (Ibn Ḥajar al-'Asqalānī, 1909). Menurut al-Zarkalī (2002), kuantiti hadith Ḥafṣah RA yang direkod oleh al-Bukhāri dan Muslim sebanyak 60 hadith. Nor Asiah Mohammed (1990) membahaskan tentang Hafṣah RA yang bertajuk "Hafṣah bint Umar al-Khattab: satu kajian mengenai hadith-hadith riwayatnya di dalam Sunan Sittah dan Muwatta' Imam Malik." Disertasi sarjana yang dihasilkan di Universiti Malaya ini menjelaskan tentang latar belakang dan biografi Hafṣah RA disusuli dengan analisis dan *takhrīj* hadith yang diriwayatkan oleh Ḥafṣah RA.

3) 'Amr bin al-'Āṣ RA (574-664 M/ m. 43 H)

Pendekatan yang sama diaplikasikan oleh Nur Afifi bin Alit (2016) dalam kajiannya yang bertajuk, “Amru Ibn al-’As wa marwiyatuh fi al-kutub al-tis’ah jam’an wa dirasat.” Kajian peringkat sarjana, Universiti Kebangsaan Malaysia (UKM) ini ditulis dalam Bahasa Arab. ‘Amr bin al-’Āṣ bin Wā’il al-Sahmī al-Qurashī terkenal dengan karakter kepemimpinan sejak menganut Islam. Beliau memeluk Islam selepas peristiwa Perjanjian Hudaibiyah. ‘Amr RA sentiasa dilantik untuk memimpin pasukan ketenteraan dan gabenor di beberapa kawasan sehingga beliau meninggal dunia (al-Dhahabī, 2003 & 2006). Menurut al-Zarkalī (2002), hadith yang direkodkan dalam kitab-kitab induk hadith berjumlah 39 hadith. Dalam *al-Kutub al-Tis’ah*, terdapat 77 teks hadith dengan pengulangan, dan 29 teks hadith tanpa pengulangan (Nur Afifi bin Alit, 2016).

4) Zayd bin Thabit RA (611-665 M/ m. 45 H)

Zayd bin Thābit al-Anṣārī al-Khazrajī RA salah seorang sahabat Rasulullah SAW yang menjadi penulis wahyu, dan terkenal dengan intelektual dan penguasaan pelbagai ilmu. Jumlah hadith yang direkodkan daripada Zayd bin Thabit RA ialah 92 hadith (al-Dhahabī, 2003; al-Zarkalī, 2002). Kajian tentang sahabat ini telah dilakukan di Universiti Malaya oleh Habibah Abdul Rahman (1990) dalam pengajian peringkat sarjana. Tajuk kajiannya ialah “Riwayat hidup Zayd ibn Thabit al-Ansari : satu kajian mengenai hadith-hadith riwayatnya di dalam sunan Sittah dan Muwatta' Imam Malik.” Seperti dalam dua kajian terdahulu, kajian ini turut dibahagikan kepada dua bahagian utama, iaitu penjelasan tentang peribadi dan latar belakang tokoh. Bahagian akhir dikhususkan kepada analisis dan *takhrīj* hadith-hadith yang diriwayatkan oleh tokoh berkenaan.

5) Muḥammad bin ‘Ali Zayn al-‘Ābidīn (676-732 M/ 57-114 H)

Al-Imām Muḥammad al-Bāqir, tokoh berketurunan Rasulullah SAW dan disanjung tinggi oleh Ahli Sunnah wal Jama’ah dan Syiah (al-Zarkalī, 2002). Justeru, al-Husban, Abd 'Allah Muhammad Ahmad. (2011) menjalankan kajian di peringkat ijazah kedoktoran di UKM yang berorientasikan kajian komparatif. Tajuk kajiannya ialah “Marwiyat al-Imam Muhammad al-Baqir fi kutub al-sunnah wa-al-Shi'ah : dirasah muqaranah.” Objektif utama kajian ini adalah untuk menganalisis dan membandingkan kedudukan riwayat hadith melalui al-Imām Muḥammad al-Baqir dalam sumber-sumber induk di sisi Ahli Sunnah wal Jama’ah dan aliran Syiah.

6) Abū Ḥanīfah, al-Nu’mān bin Thābit (699-767 M/ 80-150 H)

Al-Imām Abū Ḥanīfah, pengasas mazhab Hanafi memiliki metode tersendiri dalam proses pemilihan dan saringan hadith. Terdapat kitab yang disandarkan kepada beliau iaitu Musnad Abī Ḥanīfah (al-Zarkalī, 2002). Pendekatan beliau dalam *tawthīq al-ḥadīth* menjadi fokus kajian sarjana di Universiti Islam Antarabangsa (UIA) oleh Muhammad Amin Islam (2008) dalam kajiannya berjudul, “Manhaj al-Imām Abū Ḥanīfah fī Tawthīq al-Ḥadīth: Dirāsah Muqāranah ma’ manhaj Ahl al-Ḥadīth.” Pengkaji membandingkan kaedah penilaian Abū Ḥanīfah dengan kaedah yang diaplikasikan oleh aliran Ahli Hadith. Antara isu yang dibahaskan dalam kajian ini ialah permasalahan *naskh al-Quran bi al-Sunnah*, kedudukan *marasīl al-ṣaḥābah*, percanggahan al-Sunnah dengan *qiyas* dan sebagainya.

7) Al-Layth bin Sa’d (713-791 M/ 94-175 H)

Beliau merupakan tokoh paling menonjol pada zamannya di Mesir dalam bidang ilmu hadith dan fikah (al-Zarkalī, 2002, Ibn Ḥajar al-‘Asqalāni, 1909). Hadith-hadith yang diriwayatkan menerusi jalur riwayat al-Layth bin Sa’d yang direkodkan dalam kitab-kitab induk hadith telah dianalisis satu per satu oleh Kishki ‘Atiyah (1996). Jusul kajian sarjana ini bertajuk, “Marwiyat al-imam al-Layth bin Sa'd fi al-kutub al-sittah wa-musnad al-Imam Ahmad bin Hanbal wa-masnaf 'Abd al-Razzaq wa-ibn Abi Syaibah” dihasilkan di Universiti Sultan Zainal Abidin (UNISZA).

8) Ahmad bin Hanbal (780-855 M/ 164-241 H)

Antara kajian yang terawal dihasilkan di negara ini yang membahaskan tentang tokoh ulama hadith ialah disertasi sarjana oleh Jawiah Dakir (1981). Tajuk kajiannya ialah, “al-Imam Ahmad bin Hanbal dan sumbangannya di bidang hadith dengan menumpukan kajian terhadap musnadnya” yang dihasilkan di UKM. Sumbangan Imam Aḥmad kepada dunia Islam terlalu besar impaknya. Beliau menghasilkan karya-karya penting seperti al-Musnad yang mengandungi kira-kira 40,000 hadith dan dianggap rujukan terbesar yang wujud

pada masa kini. Kajian tersebut mendapati bahawa Imam Ahmad merupakan seorang ulama yang teliti dalam menentukan kesahihan hadith dan melindunginya daripada unsur penipuan dan pemalsuan hadith.

9) Al-Bukhārī, Muḥammad bin Ismā'īl (810-870 M/ 194-256 H)

Penyelidikan ini mendapati disertasi terawal yang dihasilkan dalam bidang hadith, khususnya berkaitan tokoh ulama hadith ialah kajian Engku Ibrahim (1974) dua Universiti Malaya. Beliau membahaskan tentang salah seorang tokoh terpenting dalam bidang hadith iaitu Imam al-Bukhārī. Disertasi berkenaan bertajuk, “Penelitian terhadap kontribusi imam al-bukhari dalam bidang hadith dengan memusatkan perhatian kepada kitab al-Jami' al-Sahih.” Sumbangan terbesar Imam al-Bukhārī ialah tulisannya, *al-Jāmi' al-Ṣaḥīḥ* atau lebih dikenali sebagai *Ṣaḥīḥ al-Bukhārī*. Menurut para ulama, karya tersebut adalah kitab paling sahih selepas al-Quran al-Karim (Muhsin, 2011); al-Dhahabi, 2006; al-Zarkalī, 2002).

10) Penulis *al-Kutub al-Sittah*

Penulis *al-Kutub al-Sittah* merujuk kepada enam orang tokoh ulama hadith terkemuka yang menghasilkan enam buah kitab induk utama dalam bidang hadith. Mereka ialah Imam al-Bukhārī (*Ṣaḥīḥ al-Bukhārī*), Imam Muslim (*Ṣaḥīḥ Muslim*), Imam Abū Dawūd (*Sunan Abū Dāwūd*), Imam al-Tirmidhī (*Sunan al-Tirmidhī*), Imam al-Nasa'ī (*Sunan al-Nasa'ī*) dan Imam Ibn Mājah (*Sunan Ibn Mājah*) (Taufik, 2021). Tokoh-tokoh tersebut hidup pada era yang sama dan memiliki guru dan murid tersendiri. Namun, dalam beberapa keadaan terdapat sejumlah hadith yang diriwayatkan oleh sesama mereka. Demikian menjadi fokus perbincangan Sulayman Hasan (2017) dalam disertasinya bertajuk, “*Marwīyyāt Al-Aimma Al-Sittah 'An Ba'dihim Fī Al-Kutub Al-Sittah: Jam'an Wa Dirāsatan*” di UNISZA. Walau bagaimanapun, tidak didapati penjelasan lanjut tentang kandungan disertasi tersebut.

11) Al-Qurrā'

Al-Qurrā' merujuk kepada tokoh-tokoh dalam bidang Qiraat yang hidup pada era tiga kurun Hijrah terawal. Di samping memberikan sumbangan yang besar dalam bidang pembacaan al-Quran, mereka turut terlibat dalam periwatan hadith. Oleh itu, Husayn Ali Abd Allah (2019) dalam disertasinya di UNISZA membahaskan penilaian dan kedudukan *al-Qurrā'* dan penilaian mereka di sisi Ahli Hadith berdasarkan disiplin ilmu *al-Jarḥ wa al-Ta'dīl*. Tajuk kajiannya ialah “*Al-Qurrā' al-Muḥaddithūn min Bidāyat al-Ṭabaqah al-Ūlā ilā al-Ṭabaqah al-Khāmisah mina al-Qurūn al-Thalāthah al-Mufaḍḍalah wa Darajātihim ind Ahl al-Ḥadīth*.” Perbincangan ini amat signifikan untuk diketengahkan kerana terdapat kemungkinan seseorang imam atau perawi Qiraat dianggap *thiqah* dalam bidang Qiraat, namun dinilai sebagai *ḍa'īf* dalam periwatan hadith (Albogha, Asma, 2021).

12) Al-Ghazali, Abū Hamid Muhammad bin Muḥammad (1058 – 1111 M/ 450 – 505 H)

Hujjat al-Islām Abū Ḥamīd al-Ghazālī, ahli falsafah Islam tersohor. Beliau memiliki sejumlah besar karya dalam pelbagai bidang. Dalam konteks kajian hadith, kitab yang sering menjadi tumpuan ialah *Kitab Iḥyā' Ulum al-Dīn* Analisis status hadiahnya dijalankan oleh al-Subkī, al-'Iraqī, Murtaḍā al-Zabīdī dan lain-lain (Farid & Kasdī, 2021; Hamat, et. al, 2021). Dalam konteks kajian terkini, Ismael Hussein (2002), memfokuskan dalam tesisnya yang bertajuk “al-Ghazzali's usage of weak hadith in his writings, with special references to his attempt to revive Islamic sciences” tentang hadith-hadith lemah yang terdapat dalam *Iḥyā' Ulum al-Dīn*. Kajian ini bagi mendapatkan ijazah pada peringkat doktor falsafah di Universiti Islam Antarabangsa (UIA).

13) Razīn bin Mu'āwiyah (m. 1140 M/ m. 535 H)

Beliau ialah Abū al-Husayn Razīn bin Mu'āwiyah al-'Abdarī al-Saraqusī al-Andalusī al-Mālikī, penulis kitab *Tajrīd al-Ṣiḥah* (al-Zarkalī, 2002). Menurut al-Dhahabī (2006), seandainya beliau tidak merekodkan hadith-hadith yang sangat lemah dalam tersebut, demikian boleh menjadikan karyanya lebih berkualiti. Analisis terhadap hadith-hadith dalam kitab tersebut telah dilakukan dalam disertasi sarjana Ahmad Khur Rashid Sadiqi (2018) yang bertajuk “*Al-Imām Razīn bin Mu'āwiyah al-'Abdarī wa Ziyādātuh fī kitābih "Tajrīd al-Ṣiḥah wa al-Sunan 'an al-Kutub al-Sittah. Jam'an wa Dirāsah*.” Seperti dalam kajian-kajian terdahulu, pengkaji membincangkan terlebih dahulu latar belakang tokoh. Perbincangan disusuli dengan analisis hadith-hadith



ziyādāt yang terpilih daripada kitab *Tajrīd al-Ṣīḥāh*. Ahmad Khur Rashid Sadiqi (2018) menyimpulkan bahawa kebanyakan *ziyādāt* yang beliau masukkan ke dalam kitabnya tidak mempunyai sanad dan riwayat-riwayat itu sendiri tidak disebut dalam kitab-kitab hadith yang lain.

14) Al-Shāṭibī, Abū Ishāq (m. 1388 M/ m. 790 H)

Isu tentang konsep Sunnah dan bidaah sentiasa dikaitkan dengan tokoh terkenal iaitu al-Ṣhāṭibī. Beliau ialah Abū Ishāq Ibrāhīm bin Musā bin Mūḥammad al-Lakhmī al-Qhirmāṭī al-Mālikī (al-Zarkalī, 2002). Jsutera, Ardiansyah (2009) telah menghasilkan tesis kedoktoran di Jabatan al-Quran dan al-Hadith, Akademi Pengajian Islam Universiti Malaya telah menjelaskan konsep al-Sunnah dan bidaah menurut perspektif al-Ṣhāṭibī. Tajuk kajiannya ialah “perspektif imam al-shatibi terhadap konsep sunnah-bid’ah: analisis terhadap kitab al-I’tisam dan al-Muwafaqat.” Antara hasil kajian ini ialah definisi bidaah iaitu “jalan yang direka di dalam agama, yang menyerupai syariah, tujuan mengamalkannya untuk berlebihan dalam mengabdikan diri kepada Allah” merupakan antara definisi paling komprehensif.

15) Ibn Ḥajar al-‘Asqalānī (1372-1449 M/ 773-852 H)

Beliau ialah Shihāb al-Dīn, Abū al-Faḍl Aḥmad bin ‘Alī al-Kinānī al-‘Asqalānī, terkenal dengan nama Ibn Ḥajar. Beliau merupakan ulama hadith yang sangat masyhur dalam bidang *sharḥ al-ḥadīth*, ilmu *muṣṭalah al-ḥadīth*, ilmu *al-Jarḥ wa al-Ta’dīl*, dan bidang-bidang lain. Malah, beliau digelar sebagai *khāṭimat al-huffāz* oleh ulama-ulama terkemudian (Ahmad bin ‘Aṭīyyah, 2012; Ibn Fahd, 1998). Salah satu kajian tentang tokoh ulung ini dijalankan oleh Ishak Hj. Suliaman (1996) dalam kajian bertajuk, “Ibn Hajar al-‘Asqalani dan sumbangannya kepada hadith: Tumpuan terhadap kitabnya *Bulugh al-Maram*.” Disertasi yang dihasilkan di Universiti Malaya ini mengandungi dua perbincangan utama; latar belakang kehidupan Ibn Ḥajar dan metodologi penulis dalam kitabnya, *Bulūgh al-Marām*.

Kajian-kajian lain tentang sumbangan dan peranan tokoh-tokoh ulama hadith lain ialah tentang Shah Waly Allah al-Dihlawī (Abdul Hayei Abdul Sukor (1988), Nur al-Dīn al-Rānirī (Mohd Muhiden Abd Rahman, 2004), Hassan Bandung (Nik Yusri Musa, 2005), Mustafa ‘Abdul Rahman (Che Hasmawati Che Awang, 2004), Yasin al-Fadani (Husna Jannatul, 2011), “Abd al-Fattah Abu Ghuddah (Mohd Khafidz Soroni, 2008; Mohamad Mukhlis, 2012), Muḥammad Nasir al-Dīn al-Albānī (Azwira Abdul Aziz, 2005; Jefri Halimi Kariim, 2010; Roshimah binti Shamsudin, 2010; Siti Maimunah, 2019), T.M.Hasbi Ash-Shiddieqy (Sulidar, 2009; Nurul Farhana Yusuf, 2019), Abdul Ra’uf Al-Singkili (Elit Ave Hidayatullah. (2010), ‘Alī al-Tahanawi (Muhammad Iqlim Ashraf, 2011), ‘Abd. al-Qadir al-Mandili (Mohammed Bazri Che Harun, 2012), Muhammad Mar’i al-Amin al-Antaki (Maafi Husin Ali Amran, 2013), Ali Hasan Ahmad Al-Dariy (Abdul Haris, 2014), Daniel Djuned (Ahmad Fadly Rahman Akbar, 2014), Irshad Manji (Yanah, Nur, 2017), Muhammad Amim al-Ihsan (Muhammad Hosain, 2018), Dr. Yusuf al-Qaraḍāwī (Muhamad Hapizi Sulaiman, 2004), dan Muhammad Asri bin Yusoff (Muhammad Firdaus Zabri, 2018).

Demikian adalah dapatan kajian sehingga penyelidikan ini dijalankan. Walau bagaimanapun, terdapat kemungkinan bahawa wujudnya kajian-kajian tentang tokoh hadith yang dihasilkan di institut-institut pengajian tinggi awam dan swasta di Malaysia. Analisis data bibliometrik terhadap kajian-kajian yang dinyatakan di atas hanyalah bersumberkan pangkalan data *Malaysia Thesis Online* (MyTo) sahaja. Justeru, kajian seumpama ini amat signifikan untuk diteruskan lagi pada masa akan datang dengan merujuk pangkalan-pangkalan data yang disediakan oleh pihak universiti. Malah, hasil analisis bibliometrik mampu membantu para calon pascasiswazah dalam menyorot kajian-kajian lepas tentang tokoh-tokoh ulama hadith.

5. Kesimpulan

Kajian ini telah menjelaskan latar belakang tesis dan disertasi yang dihasilkan di Malaysia tentang tokoh-tokoh ilmuwan hadith. Sejak tahun 1974 sehingga kajian ini dijalankan, terdapat 38 buah tesis dan disertasi telah dihasilkan di universiti-universiti di Malaysia seperti Universiti Malaya, Universiti Kebangsaan Malaysia, Universiti Islam Antarabangsa, Universiti Sains Malaysia, Universiti Sultan Zainal Abidin dan lain-lain. Tokoh-tokoh ulama hadith yang dibincangkan terdiri daripada ulama silam dan kontemporari. Dapatan ini benar-benar menunjukkan bahawa ilmuwan Islam telah banyak memberikan sumbangan dan berperanan dalam menyebarkan sesuatu bidang ilmu. Dicadangkan agar kajian-kajian seumpama ini pada masa akan datang dilebarkan skopnya terhadap pangkalan-pangkalan data universiti, bukan hanya tertumpu pada pangkalan data MyTo semata-mata.

6. Penghargaan

Tulisan ini merupakan sebahagian daripada hasil daripada geran penyelidikan Kolej Universiti Islam Antarabangsa Sultan Ismail Petra (KIAS) yang bertajuk, "Trend kajian hadith di peringkat ijazah tinggi di Malaysia: Pembangunan garis panduan kajian hadith tematik." Pihak kumpulan penyelidikan mengungkap jutaan terima kasih kepada pihak KIAS dan semua pihak yang terlibat secara langsung atau tidak langsung dalam menjayakan penyelidikan ini.

Rujukan

- Abbas, N. (2019). Masa depan hadis dan 'ulum al-hadis (Suatu Gagasan Ke Arah Pembaruan Pemikiran Hadis). Sulesana: Jurnal Wawasan Keislaman, 13(1), 41 - 63. <https://doi.org/10.24252/sulesana.v13i1.9950>
- Abdul Haris. (2014). Sumbangan Syeikh Ali Hasan Ahmad Al-Dariy dalam pengajian Hadith. Disertasi sarjana, Universiti Malaya.
- Abdul Hayei Abdul Sukor. (1988). Sumbangan Shah Waliyullah al-Dihlawi kepada ilmu hadith dan penganutnya di Kelantan. Disertasi sarjana, Universiti Malaya.
- Ahmad bin 'Atiyah. (2012). Natl al-Nibal bi Mu'jam al-Rijāl. Mesir, Dar Ibn 'Abbas.
- Ahmad Fadly Rahman Akbar. (2014). Sumbangan Daniel Djuned (1954-2010) dalam pengajaran dan pemikiran Hadith. Disertasi sarjana, Universiti Malaya.
- Ahmad Khur Rashid Sadiqi. (2018). Al-Imām Razīn bin Mu'āwiyah al-'Abdarī wa Ziyādātuh fī kitābih "Tajrīd al-Ṣiḥah wa al-Sunan" 'an al-Kutub al-Sittah. Jam'an wa Dirāsah. Disertasi sarjana, Universiti Islam Antarabangsa.
- Albogha, Asma. (2021). Al-Qurra' al-Muhaddithun fi Mizan al-Dars al-Hadithi. Tokat Ilmiyat Dergisi 9, No. 1: 231-255. <https://doi.org/10.51450/ilmiyat.885809>
- Al-Dhahabī, Sham sal-Din Muḥammad bin Aḥmad. (2003). Tarīkh al-Islām wa Wafayat al-Mashāhīr wa al-A'lām. Beirut, Dar al-Gharb al-Islami.
- Al-Dhahabī, Sham sal-Din Muḥammad bin Aḥmad. (2006). Siyar A'lām al-Nubalā'. Kahaerah, Dar al-Hadith.
- Al-Husban, Abd 'Allah Muhammad Ahmad. (2011). Marwiyat al-Imam Muhammad al-Baqir fi kutub al-sunnah wa-al-Shi'ah : dirasah muqaranah Tesis kedoktoran, Universiti Kebangsaan Malaysia.
- Al-Zarkhalī, Khayr al-Din bin Maḥmūd. (2002). Al-A'lām. Beirut, Dar al-'Ilm.
- Anggoro, T. (2019). Analisis Pemikiran Muhammad Syuhudi Ismail dalam Memahami Hadis. Diroyah: Jurnal Studi Ilmu Hadis, 3(2).
- Ardiansyah (2009). Perspektif Imam Al-Shatibi Terhadap Konsep Sunnah-Bid'ah: Analisis Terhadap Kitab All'tisam dan Al-Muwafaqat. Tesis Ph.D, Universiti Malaya.
- Asmaa Mohsen Ali Safwat Mohamed Al. (2018). The methodology of al-Shaykh al-Albani in the revision of al-Hadith status from Tashih to Tadif. Disertasi sarjana, Universiti Kebangsaan Malaysia
- Azwira Abdul Aziz. (2005). Al-Albani dan metodologi pemahaman hadith hukum : kajian khusus pada kitab silsilah al-ahadith as-sahihah wa shai' min fiqhiha w a fawai'diha. Tesis Ph.D, Universiti Kebangsaan Malaysia
- Bistara, R. (2020). Perkembangan Ilmu Hadis Periode Keempat dan Kelima:(Analisis Historis Masa Keemasan Ilmu Hadis). KACA (Karunia Cahaya Allah): Jurnal Dialogis Ilmu Ushuluddin, 10(1), 76-86.
- Che Hasmawati Che Awang (2004). Ustaz Mustafa 'Abdul Rahman: Sejarah Hidup Dan Sumbangannya Dalam Ilmu Hadith di Malaysia. Disertasi sarjana, Universiti Malaya.
- Darmalaksana, W. (2018). Paradigma pemikiran hadis. Jurnal Aqidah dan Filsafat Islam, 2(1), 95-106.
- Darmalaksana, W. (2020). Pemetaan Penelitian Hadis: Analisis Skripsi UIN Sunan Gunung Djati Bandung. Riwayah: Jurnal Studi Hadis, 6(2), 191.
- Elit Ave Hidayatullah. (2010). Sumbangan Abdul Ra'uf Al-Singkili dalam bidang hadith: analisis teks pilihan al-mawó'íu al-badô'ah. Disertasi sarjana, Universiti Malaya.
- Engku Ibrahim. (1974). Penelitian terhadap kontribusi imam al-bukhari crd dalam bidang hadith dengan memusatkan perhatian kepada kitab al-jami' al-sahih. Disertasi Sarjana, Universiti Malaya.
- Farhah Zaidar Mohamed Ramli,, Mohd Hasbie Al-Shiddieque Ahmad, & Siti Mursyidah Mohd Zin. "Salasilah Sanad Kitab Turath Hadis Tokoh Ulama Kelantan Tuan Guru Haji Abdullah Lubok Tapah (1933-2008)." HADIS 7, no. 14 (2017): 1-23.
- Farida, U., & Kasdi, A. (2021). Women's Roles in Ihyā'Ulūm al-Dīn and Method of Teaching it at Pesantrens in Indonesia. Al-Jami'ah: Journal of Islamic Studies, 59(1), 163-190.
- Habibah Abdul Rahman. (1990). Riwayat hidup Zayd ibn Thabit al-Ansari : satu kajian mengenai hadith-hadith riwayatnya di dalam sunan Sittah dan Muwatta' Imam Malik. Disertasi sarjana, Universiti Malaya.



- Hading, H. (2016). Sejarah Pertumbuhan Dan Perkembangan Hadis. *Jurnal Shaut Al-Arabiyyah*, 4(2), 29-42.
- Hamat, M. F., Shuhari, M. H., Rozali, M. H., & Makdom, A. H. A. (2021). Pendalilan Naqli dan 'Aqli tentang Wujud Allah Menurut al-Ghazali Berdasarkan Kitab Ihya' 'Ulum al-Din: Implementation of Naqli and 'Aqli on the Existence of Allah according to al-Ghazali Based on Ihya' 'Ulum al-Din. *Afkar-Jurnal Akidah & Pemikiran Islam*, 23(1), 91-138.
- Hasibuan, U. K. (2020). Mahmud Yunus dan Kontribusi Pemikirannya Terhadap Hadis. *Istinarah: Riset Keagamaan, Sosial dan Budaya*, 2(1), 1-15.
- Husayn Ali Abd Allah. (2019). *Al-Qurrā' al-Muḥaddithūn min Bidāyat al-Ṭabaqah al-Ūlā ilā al-Ṭabaqah al-Khāmisah mina al-Qurūn al-Ṭhalāthah al-Mufaḍḍalah wa Darajātihim ind Ahl al-Ḥadīth*. Disertasi sarjana, Universiti Sultan Zainal Abidin.
- Husna, Jannatul. (2011). Shaykh Yasin al-Fadani (m.1990) dan sumbangannya dalam pengajian Hadith. Disertasi sarjana, Universiti Malaya.
- Ibn al-Athīr, 'Ali bin Abī al-Karim. (1994). *Usd al-Ghābah fī Ma'rīfat al-Ṣaḥābah*. Beirut, Dar al-Kutub al-'Ilmiyyah.
- Ibn Fahd, Muhammad bin Muhammad al-Hāshimī. (1998). *Laḥz al-Alḥāz bi Dhayl Ṭabaqāt al-Ḥuffāz*. Beirut, Dar al-Kutub al-'Ilmiyyah.
- Ibn Hajar al-'Asqalānī, Aḥmad bin 'Ali. (1909). *Tahdhib al-Tahdhib*. Beirut, Dairat al-Ma'arif.
- Iderus, M. H. S. (2016). Peranan Ulama Banjar Abad Ke-20 Dalam Tradisi Penulisan Hadis Arba'in Di Banjar Dan Malaysia. *Al-Banjari: Jurnal Ilmiah Ilmu-Ilmu Keislaman*, 15(2), 147-164.
- Ishak Hj. Suliaman. (1996). Ibn Hajar Al'Asqalani dan sumbangannya kepada hadith: tumpuan terhadap kitabnya *Bulugh Al-Maram*. Disertasi sarjana, Universiti Malaya.
- Ismael Hussein. (2002). Al-Ghazzali's usage of weak hadith in his writings, with special references to his attempt to revive Islamic sciences. Disertasi sarjana, Universiti Islam Antarabangsa.
- Jawiah Dakir. (1981). Al-Imam Ahmad bin Hanbal dan sumbangannya dibidang hadith dengan menumpukan kajian terhadap musnadnya. Disertasi sarjana, Universiti Kebangsaan Malaysia
- Khairulnazrin Nasir., Yahya, M. A., & Zaman, A. R. K. (2019). Sumbangan Ilmuwan Hadis daripada Golongan Orang Kelainan Upaya (OKU): Satu Analisis. *Islamiyyat*, 41(2), 107-115.
- Kishki 'Atiyyah (1996). *Marwīyyat al-imam al-Layth bin Sa'd fī al-kutub al-sittah wa-musnad al-Imam Ahmad bin Hanbal wa-masnaf 'Abd al-Razzaq wa-ibn Abi Syaibah*. Disertasi sarjana. Universiti Sultan Zainal Abidin.
- Maafi Husin Ali Amran. (2013). Metodologi Shaykh Muhammad Mar'i al-Amin al-Antaki dalam mentafsirkan ayat al-qur'an dan hadith dalam kitab *limadha akhtartu madhhab al-Shi'ah*. Disertasi sarjana, Universiti Kebangsaan Malaysia
- Maulana, L. (2016). Periodisasi Perkembangan Studi Hadits (Dari Tradisi Lisan/Tulisan Hingga Berbasis Digital). *ESENSIA: Jurnal Ilmu-Ilmu Ushuluddin*, 17(1), 111-123.
- Mohamad Mukhlis. (2012). Metodologi 'Abd Al-Fattah Abu Ghuddah dalam mentahkik kitab *Qawa'id fi 'Ulum al-Hadith*. Disertasi sarjana, Universiti Kebangsaan Malaysia
- Mohammed Bazri Che Harun. (2012). Hadith-hadith dalam karya Syeikh 'Abd. al-Qadir al-Mandili : takhrij dan analisis. Disertasi sarjana, Universiti Malaya.
- Mohd Khafidz Soroni. (2008). Syeikh 'Abd al-Fattah Abu Ghuddah: riwayat hidup dan sumbangannya di dalam pengajian Hadith. Tesis Ph.D, Universiti Malaya.
- Mohd Muhiden Abd Rahman (2004). Syeikh Nuruddin Al-Raniri dan Sumbangnya Kepada Pengajian Al-Hadith: Kajian Terhadap Kitab *Al-Fawa'id Al-Bahiyyah fī Al-Ahadith Al-Nabawīyyah*. Tesis Ph.D, Universiti Malaya.
- Muhamad Hapizi Sulaiman. (2004). Metodologi Dr. Yusuf al-Qaradawi dalam menganalisa hadith sebagai sumber hukum syarak. Disertasi sarjana, Universiti Kebangsaan Malaysia
- Muhammad Amin Islam. (2008). *Manhaj al-Imām Abū Ḥanīfah fī Tawthīq al-Ḥadīth: Dirāsah Muqāranah ma' manhaj Ahl al-Ḥadīth*. Disertasi sarjana, Universiti Islam Antarabangsa.
- Muhammad Firdaus Zabri, (2018). Aplikasi manhaj Deobandy oleh Muhammad Asri bin Yusoff dalam pengajaran Hadith. Disertasi sarjana, Universiti Malaya.
- Muhammad Hosain. (2018). Riwayat and dirayah in hadith studies: Muhammad Amim al-Ihsan's methodology in Fiqh al-Sunan wa al-Athar as a case study. Disertasi sarjana, Universiti Malaya.
- Muhammad Iqlim Ashraf. 'Ali al-Tahanawi wa juhudihi fī al-tarabat bayna al-hadith wa al-tasawwuf khilal kitabuhu "Haqa'iq al-tariqah min al-sunnah al-aniqah. Disertasi sarjana, Universiti Malaya.
- Muhsin, M. (2011). Metode Bukhari dalam al-Jami' al-Sahih. *Al-Fath*, 5(2), 1-15. doi:10.32678/alfath.v5i2.3257



- Murina Mustafa. (1990). Satu kajian mengenai riwayat hidup Abu Ayyub al-Ansari: tumpuan utama kepada hadith-hadith riwayatnya di dalam Sunan Sittah dan Muwatta' Imam Malik. Disertasi sarjana, Universiti Malaya.
- Nik Yusri Musa. (2005). Sumbangan A. Hassan Bandung kepada pengajian hadith : tumpuan kajian kepada hadith-hadith hukum. Tesis Ph.D, Universiti Malaya.
- Nor Asiah Mohammed. (1990). Hafsah bint Umar al-Khattab: satu kajian mengenai hadith-hadith riwayatnya di dalam Sunan Sittah dan Muwatta' Imam Malik. Disertasi sarjana, Universiti Malaya.
- Nur Afifi Bin Alit. (2016). 'Amru Ibn al-'As wa marwiyatuh fi al-kutub al-tis'ah jam'an wa dirasat. Disertasi Sarjana, Universiti Kebangsaan Malaysia
- Siregar, I. (2020). Paradigma baru hadis: telaah pemikiran m. Syuhudi ismail. Shahih (Jurnal Ilmu Kewahyuan), 3(2).
- Soroni, M. K. (2018). Sumbangan Ulama Mazhab Hanafi dalam Pembukuan 'Ulum Al-Hadith. HADIS, 8(16), 40-62.
- Sulayman Hasan. (2017). Marwiyāt Al-Aimmah Al-Sittah 'An Ba'dihim Fī Al-Kutub Al-Sittah: Jam'an Wa Dirāsatan. Disertasi Sarjana, Universiti Sultan Zainal Abidin.
- Sulidar (2009). Ketokohan T.M.Hasbi Ash-Shiddieqy Dan Sumbangan Pemikirannya Dalam Pengajian Hadith Riwayah Dan Dirayah Di Indonesia. Tesis Ph.D, Universiti Malaya.
- Taufik, A. (2021). Pendekatan Historiografi dalam Studi Hadist: Analisis Al-Kutub As-Sittah. *Journal al Irfani: Ilmu al Qur'an dan Tafsir*, 2(2), 70-93.
- Wahid, H. R. A. (2006). Perkembangan Kajian Hadis di Indonesia: Studi Tokoh dan Organisasi Masyarakat Islam. *Al-Bayan Journal of Al-Quran & Al-Hadith*, 4, 63-78.
- Yanah, Nur. (2017). Pemikiran Irshad Manji dalam bukunya Allah, liberty and love: Kajian kritik dan analisis berdasarkan al-Qur'an dan Hadith. Disertasi sarjana, Universiti Malaya.
- Zaenuri, Z., & Munawaroh, R. Z. (2021). Historis Periodesasi Perkembangan Hadis dari Masa ke Masa (Rasulullah, Sahabat, Tabi'in). *At-Tafkir*, 14(2), 168-177.